

inferiore basali, nec non basi tarsorum albidis; antennis articulo secundo apice duobusque ultimis nigro-fuscis. Long. ♀ 4 mm.

Obock! die 11 junii 1896, m. julii 1897, M. Jousseau; Djibouti! 1897, M. H. Coutière (Mus. Paris.).

Corpus glabrum, nitidum. Caput basi pronoti duplo angustius, laeve, vertice (♀) oculo paullò latiore. Rostrum cinnamomeum. Antennae tenuiter griseo-pubescentes, articulo primo cinnamomeo, basi et apice albido, secundo pronoto vix longiore, obscure cinnamomeo, apice incrassato nigro-fusco, ultimis nigro-fuscis, tertio basi anguste albido, secundo paullo magis quam $\frac{3}{5}$ brevior, quarto tertio circiter $\frac{1}{5}$ brevior. Pronotum latitudine basali circiter $\frac{1}{6}$ brevius, crebre sat fortiter impresso-punctatum. Scutellum laeve. Hemelytra cum membrana valde nitida, remote et minute impresso-punctata, sutura clavi utrinque serie impresso-punctata; corio fascia anteriore in tertia parte antica posita, posteriore a margine externo ad apicem clavi ducta.

15. Glaphyrocis n. gen.

Corpus elongatum, angustum, medio leviter constrictum; capite basi pronoti paullulum angustiore, fortiter nutante, ab antico viso rotundato et infra oculos sat breviter producto, latitudini cum oculis aequae longo, vertice immarginato sed margine tenui acuto, clypeo brevi, sat prominente, ab antico viso lato, a fronte linea obtusangulata impressa discreto, angulo faciali acuto, genis humilibus, gula longa, obliqua; oculis (♂) magnis, granulatis, pronoto contiguis, orbita interiore apicem versus late sinuatis; rostro apicem coxarum attingente, articulo primo peristomii longitudine; antennis crassis, paullo supra apicem oculorum interne insertis, articulo primo apicem clypei attingente, secundo versus apicem leviter incrassato, ultimis apici secundi saltem aequae-crassis, simul sumtis secundo paullulum longioribus, quarto subfusiformi; pronoto parum transverso, fortiter convexo-declivi, laevi, versus apicem fortiter angustato, lateribus rectis, strictura apicali libera,